



Nuuk 13. November 2015

Inatsisartut suleriaasianni § 37 naapertorlugu apeqquteqaatit imaattut naalakkersuisunut ingerlatippakka.

- 1. Ukiq manna sinerissap qanittuani aqutsiveqarfik Upernavik, Uummanaq aamma Qeqertarsuup tunuani qaleralittassiisutigineqartuniit, angallatinut 6 meterimit anginerusunut pisarineqanngitsut qanoq amerlatigippat**
- 2. aammalu umiatsiaaqqanut 6 meterimit mikinerusunut pisarineqanngitsut qanoq amerlatigippat.**
- 3. Pisarineqanngitsut ukiup tulliani nuunneqarsinnaatinngisasi ataatsimut 8000 tonsiuppata nunatta karsianut, Qaasuitsup kommunianut, aalisartullu kaasarfiinut ullumikkut qanoq sunniuteqassappat.**
- 4. Naalakkersuisut pisarineqanngitsoortussanik ilimagineqareersunik pinngitsoortitsiniarlutik iliuseqarnissamik suliaqarpat.**

Hans Aronsen, Inuit Ataqatigiit)

Tunggavilersuut:

Ukiup siulia tikillugu piffissap imaalinerani sioqqulluguluunniit qaleralittassanik nunguutinerit nunguutsisoqararsinnaanerilluunniit ernumanerit aalisartunit politikkikkullu suliaqartunit saqqumilaartuartartut pisarsimapput. Ukiormannalu manna tikippaa annerusumik qaleralinnut tunggasunik eqqartuisoqarani.

Tamanna atukkatigut ajunngitsumik ingerlasoqarneranik ersertitsisoq ilimagineqarsinnaalluni, taammaattorli aalisartunit oqaasersiat apeqqutigisannik qaqitserusulersippaannga. Tassami ukiumut aningaasat inatsisiliuunneranni isertikkumaakkanut naatsorsuinerit ilaatinneqartarmata, pisarinngitsuukkallu inuiaqatigiinni qaleralinniakkormiunut, kommunimutut, assigiinngitsorpassuartigut kiguneqartartut siornigerlugit ilisimasaqarnissaq pisariaqarluinnarmat.

Pingaartumik ukiuni kingullerni aningaasaqarnitta pussunnerinnarmik allanngorteqattaarneratigut sillimmartaarnissaq pisariaqarluinnalersimmagu.

Nunattami aningaasaqarnera sunnerneqajaqaaq, pingaartumik kommunini siamasissunik inoqarfilinni inunnik isumaginnikkut allatigullu sunnertiasartuni.

Ukiullu kingulliit arfinillit qujanaqisumik sinerissami pingaartumik qaleraeqarfiusuni, aalisarnikkut atortuutitigullu annertusiartuinnartumik ineriartortoqarpoq tulluusimaarutigisariaqakkamik. Boca 570 aamma 600 sakkortuunik motorillit akisuut atorluarneqalersimapput, qaamatillu tamaasa akilersungassaasut saniatigut illut allallu

aamma ulluinnarni inuunermut pingaarutillit pigissaarutigineqartut
akilersungassaallutittaaq. Tamakkulu tamaannarmik aalisartumut aamma
piumasaqarlutik ingerlaavartumik inuussutissarsiortariaqarnermik.

Apeqquteqaatinga malitassat malillugit ullut qulit ingerlanerini akineqarnissaa
kissatingaarattaaq.